

## C A R M E N

Vrbe uelut sedem propriam tenuere. Nec ipsæ  
 Hæc tantum didicere Scholæ, sed & ordine ciues  
 Summo oblectati studio hoc clarissima famæ  
 Nomina promeruere sibi, hærediçb futuro.  
 Talis erat rarae doctrinæ Pircamerus,  
 Pfintzingusçb pius quondam, sapiensçb Cholerus,  
 Atq; alij, quorum si nomina ueribus istis  
 Congruerent, cuperem nostris celebrata Camœnîs,  
 Nec retinent hodie pauci decus urbis auitum,  
 Quos ego si numerem, series numerosa futura est,  
 Vel numeri me deficient æquante labore  
 Iliadem, uel Mænidæ sublimia magni  
 Ora, modosçb requirente, ingeniumçb Poëtæ.  
 Multi etiam claris celebrati laudibus istam  
 Artifices coluere urbem, qui præmia digna  
 Et uobis & se Patrum meruere sub annis.  
 Hos inter preclarus erat, quem Regius ille  
 Mons dedit, Iste suo reuocata Mathemata nobis  
 Reddidit ingenio, nec quod peteretur abesset,  
 Mors hominem nisi diuinum immatura tulisset.  
 Diceris hoc didicisse olim Gualthero magistro  
 Astra uiasçb poli. Post quem Vernerus acutus  
 Vates & Astronomus, clarissimus extitit arte.  
 Ultimus his Francus successit laudibus iisdem  
 Clarus, & ingenio, ac pulchra uirtute Schonerus.  
 Hæc inter reliquas laus est non infima dotes.  
 Nam manet, & magno uicturum nomen in orbe  
 Pandit, & imperij clades, uastasçb ruinas  
 Fulcit, regnum post funera saeva superstes.  
 Sic & Athenarum manet in debole nomen,  
 Quæ per sexcentos humanis artibus annos  
 Hospitium & sacris intra sua mœnia Musis  
 Concessere, locum. Nec tantum classibus æquor,  
 Innumeræçb armis pressæ ciuilibus urbes,  
 His peperere decus, quantum diuina Platonis,  
 Aut sapientis Aristotelis monumenta dederunt.  
 Ista bonis uarijs orbem fecere beatum,  
 Arma φόνοι miseris urbein impleuere disertam.  
 Aorijs igitur decora immortalia Musis,  
 Martigenis debet scelera exitialia turmis.  
 Ergo etiam norunt ueterem Pandionis urbem

Postera